

華東民俗文獻

第二十九卷

中國華東文獻叢書

中國華東文獻叢書編輯委員會

中國華東文獻叢書·第四輯

華東民俗文獻

第二十九卷

甘肅省古籍文獻整理編譯中心
中國華東文獻叢書編輯委員會
編

本卷目錄

臺灣府誌	〔清〕 蔣毓英修 季麒光等編纂	〇〇三
臺灣雜記	〔清〕 季麟光撰	二五三
臺灣紀畧	〔清〕 林謙光撰	二六一
臺海見聞錄	〔清〕 董天工撰	二九一
小琉球漫誌	〔清〕 朱仕玠撰	四五五

本卷目錄

臺灣府誌	〔清〕 蔣毓英修 季麒光等編纂	〇〇三
臺灣雜記	〔清〕 季麟光撰	二五三
臺灣紀畧	〔清〕 林謙光撰	二六一
臺海見聞錄	〔清〕 董天工撰	二九一
小琉球漫誌	〔清〕 朱仕玠撰	四五五

【清】 蔣毓英修 季麒光等編纂

臺 灣 府 誌

〔清〕康熙二十四年（公元一六八五年）由首任臺灣府知府蔣毓英主修，諸羅知縣季麒光等起稿編纂而成。蔣毓英，字集公，原籍奉天錦州，出生於浙江，今臺灣臺南仍有『臺灣郡侯蔣公去思碑記』之石碑古跡留存。此書為康熙二十三年（公元一六八四年）臺灣置府「一府三縣（臺灣縣、鳳山縣、諸羅縣）」後首部地方志。全書共分十卷，所選版本本府藏版為康熙年間刻本，現藏上海圖書館。後代民俗作品多有引用此書《風俗》、《時令》等卷之內容者。類似的古籍還有康熙三十三年（公元一六九四年）高拱乾主修的《臺灣府誌》、乾隆十二年（公元一七四七年）范咸纂輯的《重修臺灣府誌》等。

府

臺灣府志

本府藏版

清·蔣毓英修

臺灣府志

臺灣府誌目次

襄平蔣毓英集公氏纂

男國祥校字

卷之一

沿革

分野

氣候

風信

封隅

卷之二

叙山

卷之三

臺灣府志

叙川

附海道潮汐

卷之四

物產

卷之五

風俗

附土番

卷之六

歲時

規制

學校

廟宇

附養濟院

市廛

附渡僑

卷之七

戶口

田土

賦稅

附存留經費

祀典

卷之八

官制

武衛

卷之九

人物

開拓勲臣
籍紳流寓

勝國遺裔
節烈女貞

勲封遇難

卷之十

卷之十

目次

二

古蹟

災祥

扼塞

險隘

目次終

臺灣府誌卷之一

沿革

臺灣古荒裔之地明宣德間太監王三保下西洋舟曾過此以土番不可教化投藥於水中而去此亦得之故老之傳聞也嘉靖四十二年流寇林道乾橫行海洋專殺土番取膏血造船擾害濱海都督俞大猷征之道乾遁去占城今有其遺種天啟元年又有漢人顏思齊爲東洋日本甲螺引倭彝屯聚于臺鄭芝龍附之未幾紅彝荷蘭人由西洋而來願借倭彝之地暫爲栖止誘約一牛皮地卽可倭彝許之紅彝將牛皮剪如繩縷周圍圈匝已

有十數丈地久假不歸日繁月熾無何而鵲巢鳩
 居矣尋與倭約若舍此地每年願貢鹿皮三萬張
 倭乃以地悉歸荷蘭崇禎八年荷蘭始築臺灣赤
 嵌二城臺灣城卽今之安平鎮城也赤嵌城卽今
 之紅毛樓名城而實非城也規制甚小在臺灣府
 治西北荷蘭以夾板船爲犄角善用砲攻雖兵不
 滿千而南北各土酋咸服聽命又設市於臺灣城
 外泉漳之商賈始接踵而至焉庚寅甲螺郭懷一
 舞人設立甲螺以管漢民甲螺者卽如漢人
 所謂頭日之類也郭懷一被殺何斌充之欲謀
 逐紅彝紅彝覺之召土番擒懷一戮于赤嵌城商
 民在臺者被土番殲滅不可勝數而商賈視爲畏

國

途矣延至辛丑僞延平王鄭成功芝龍之子也自
京口喪敗其勢日蹙孤軍廈門欲圖退步乃與甲
螺何斌謀進取臺地從來鹿耳門石關隱險屈曲
盤旋沙浮水淺舟師非諳于水道者不得易渡鄭
舟至鹿耳水忽漲十餘丈巨艦畢入非天之相此
逆旅也蓋將藉手以式廓

國朝無外之疆域也乎荷蘭與成功戰不利遂退保

臺灣城歸一王

歸一王紅
彝之帥名

以死拒之鄭師攻之不

克乃環山列營以困之荷蘭謀報本國遂整夾板

十餘艘與成功決戰成功因風縱火焚燒彝艦荷

蘭終無降意成功使人告之曰此地乃我先人故

物今所有珍寶金銀聽汝載回但畱空城還我可
以罷兵荷蘭知勢不敵爰棄城歸成功就城居之
改臺灣爲安平鎮赤嵌爲承天府總名東都設一
府二縣府曰承天縣曰天興萬年未幾成功死子
經尚在廈門成功之弟世襲有竊踞之意鄭經攻
逐之世襲渡海歸誠經嗣立改東都爲東寧二縣
爲二州設安撫司三南北路澎湖各一於是興市
廛構廟宇新街橫街是其首建之處誘致豪傑招
納叛亡人民聚集漸成狡兔之窟矣辛酉經死子
克塽嗣幼冲在位政出權門人心已渙逆運將終
康熙二十二年八閩總制姚 偵知底蘊用間謀